

الرشاد

س ۱ ۳ ۳ ۰ ۱ ۳ ۰ ۱ ۳ ۰

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف اديب

یونانیلرک محو و انقراضی ، سارداناپال ، بالتازار ، نرون کی تاریخده نام بر اقان سفیه حکمدارلرک زمان سلطنتلری تعقیب ایتمه مشمیدر ؟ ایسته بزدهده سقوط اخلاق و دینده کی مبالا تسزلرک نتیجه سی اوله رق افراد آره سنه نفاق کیرمش و انحطاط دوری ده کشاد اولمشدی . بعض پادشاهلریز اهالی بی اصلاح ایتک ایچون جدا چالیشمشر ، فقط موفق اوله مامشردی . اولدن مجسم شجاعت و اخلاق اولان یکچریر بالاخره یابدقاری اخلاق تسزلرله اسکی خدمت لری کلیاً اونوتدیرمشر و دولتی اوچورومدن اوچورومه ، فلا کتدن ، فلا کته سور و کله مشلردی . نهایت سلطان محمود بونلری اورته دن قالدیره رق بدرجه یه قدر بو اخلاق تسزلرک اوکئی آلمش و مملکتده بر انقلاب یایق ایسته مشدی . بودرلرده بدرجه یه قدر توقف ایدن انحطاط بالاخره ینه اولانجه قوتیه باشلامش و عبدالعزیزک سفاهتی یوزندن ملیونلرجه بورجه کیرن ملت عبدالحمید ثانی اداره سندهده بوسبتون بورجه باتمش ، اداره سزلک یوزندن عثمانلیلی اونیوته جق بدرجه یه کلشدی . بوضوک دورلرده درکه غنعات ملیه اونولمش ، اخلاق بر لفظ بی معنی حکمنه کچمشدی .

ایسته بونلرک سیئه سی اولارق بوکون اخلاقز فوق العاده سقوط ایتمشدر . « برملتک اخلاقی رغبت ایتدیکی کتابله مقایسه اولنور . » قاعده سنه بالاتباع تدقیق اولنورسه نظرله یک فجیع ویأس آور منظره لر منکشف اولور . سنه لرجه تبعلک محصورلی اولان بر فنی کتاب بشیوز دانه بیله صائلمدینی حالدله برایکی اخلاق تسزلر قلنددن چیقان وهله بوضوک زمانلرده یک موده اولان مصور فحشیات کتابلر بیکلرجه صائیلیور . اهالینک بو انهما کندن استفاده ایتک ایسته ین بعض آلچاقلرده بویولده یازلمش کتابلری نشردن بر آن بیله خالی قالمیورلر . دوشونمیورلرکه : بونلری اوقویه جق ارککلرله برابر قادینلردر ، بویله کتابلری اوقویان قادینلرکده اخلاقی بوزولور . بوکی کتابلرک نصفی قادینلرک النده بولندیغی سویلرسه ک مبالغه ایتمه مش اولورز ، ظن ایدرم .

طبیعی بوسط لرلرک افراد ملتک هپسنه شمولی اوله ماز . بوکون اهالیدن او یله لری بیلمرکه بویله کتابلری اوقومق دکل ، حتی بونلری اوقویه جق قدر دوچار ذلت اولمش اشخاصک موجودیتی قبول ایده مز . منافع ذاتیه سی ایچون ناموس و حیثیت ملیه بی بر طاقم حیوانی الطبیعه غزتله لره ایقلا الله آلانلرده نادر اتدن دکلدر . مع التأسف ملتک کندی شرف و حیثیتله اوینایان بوکی غزتله ره رغبت ایتمه سی ایجاب ایدر کن ینه بونلر کونده بیکلرجه نسخه صائیورلر ، چونکه بیایورلرکه اهالینک ذوق اله جفی کتاب و غزتله بویولده یازلمش اولنلردر . شمدی یه قدر انتشار ایدن بونجه کتب و رسائل فیه ایچنده قاچ دانه سی ثبات ایده بیلمشدر ؟ بونلر اغلنه جق هپ بر حقیقتدر . اخلاق تسزلر بوقدرله ده قالمیور . رمضان شریفده طاعات و عباداتله مشغول بولینمسی اوامر دینی دن اولدینی حالدله عکسی امر اولنیورمش کی عادی زمانلرده اجرا

ایدلین نه قدر رذالت ، نه قد اخلاق تسزلر وارسه هپ بومبارک آیده احرا اولنیور . مخدرات اسلامیه به تجاوز ، انواع لعیانه رغبت هپ بو آیده رواج بولیور . رمضان شریفده ناموسلی برقادینک جامعه کیمسی فوق العاده مشکل برحاله کلیور . بیک درلو حقارته دوچار اولمده دن سوقاغه چیقماق هان محال حکمنه کیریور . بتون بونلر سقوط اخلاق بر تمثال محسسی دکلیدر ؟ بو اخلاق تسزلرله برابر دین خصوصنده کی مبالا تسزلر و حرمت سزلرکده توسع ایدیور . کچن اقشام برارقداشم ایله برابر مشاهدی اولدیغمز بر منظره جدا یوره کلری صیقلاته جق برماهیتی حائزدی . چارشو بوینده یاتسو اذان شریفی اوقوندینی حالدله تام قارشو سنده بولنان قرائتخانه ابالب طولمش و بوکا مقابل جامع شریفده اون ایکی کشتی دن بشقه کیمسه بولنیوردی . قرائتخانه بولنان یوزلرجه کشتی قرائتخانه ، اوطورمفی جامع شریفده تراویح نمازی قیلماغه ترجیح ایدیورلردی .

بزده دینده کی بومبالا تسزلر و حرمت سزلرک ، اخلاقزده کی بوسقوط ، غنعات تاریخیه مزکی کلاً فراموش وارکن هرکون ، هر ساعت انقراضه طوغری قوشدیغمز دن شبهه ایتیم . قارشومزده مدهش آفرینی آچمش ، هلالی یوتماق ایچون فرصت بکله مکده اولان اهل صلیک نائل مرام اولسی زماننک پک یقین اولدیغی اونوتیم . اوروپا دینسز یاشار ، بزیا شایه مین . اوروپا اخلاق تسز یاشار ، بزیا شایه مین . اوروپا غنعات ملیه سنی اونوتور ، بز اونوته مین . چونکه اونلر اهل صلیب ، بزایسه هلالک زیر جناحنه صیغمش بر قومز .

خلیل فخرالدین

سیاست

روسیه نلک شر قده کلیسا سیاستی

تقریباً ایکی عصر مقدم روس امپراطوری بیوک پترونک ترک ایلدیکی وصیتنامه سنده « استانبوله وهنده ممکن اولدینی قدر تقرب ایتلی . زیرا بوموقعلرده حکمدار اولان حکمدار جهاندر . حصول مقصد ایچون بعض ایران ، بعض ده ترکلرله حرب ایدره ک انلرک کسب قوت ایتسنه میدان ویرمه ملی . بحر سیاه حوضه سنک صاحب یکانه سی اولق مقصدیله ، بحر بالطقده اولدینی کی ، ترسانه لر تأسیسیله روس بحریه سنی تحکیم ، بعده ایرانک استیلا سنه قوه معظمه یله چالیشملی . عجم کورفزیغی تمقیماً ترسانه جهان اولان هنده یورویوب ، مالیه جه محتاج بولندیغمز انکلیز لرک تحت اسارتندن خلص کر یان ایتک ایچون ، اورانک ضبطنه از هر جهت غیرت ایتلی ، ترکلری اوروپا قطعه سندن دفع ایتک ایچون اوستریا خاندان حکمداریسیله اوزلا شوب ، انظار غبطه سنی استانبولدن چویرمک ایچون یا انلری حکومت سائرته نک بریله حربیه القا ایتلی و یا خود ایلروده ینه الیرندن آلمق اوزره

روحانیہ سی طرفندن نہ صورتلہ قبول وتاقی اولنہ جغی استکشاف ایتک مقصدیلہ روحانی بر مرخص کوندرلر . بومرخص آرخپانداریت اورپہنسکی عادی بریولجی قیافتی اکتسا ایله ۱۸۴۳ سنہ سنہ بیروته ایاق باصار . برسنہ کشت وکذاردن صکرہ استانبولہ عودت ایدہ رک روم کلیسائی علینہ اولہرق ویردیکی . مفصل معلوماتک ذیلندہ : « روملرک شہرلری دعوت ایتماک اوزرہ اولا ارض فلسطیندہ بر برروس مکتبک کشادینی ، برده صاحب اهل علمدن مرتب معیتیلہ برروس پسخوسنک ارسالیلہ اوزارده موجود مجلس روحانی بی اداره ایتسنی ومعیتی افرادینک لسان عربی بی تحصیل ایله مناسب روس کتابلری بولسانہ ترجمہ واهالی یه مجانا توزیع ، مع مافیہ روسیہ دن ورود ایدن مبالغک یرلی اہالی بینندہ تقسیمنہ نظارت ایله سوء استعمالک اوکی آلمسنی ، دیگر مذهب رہبانلرینہ برر نمونہ امتثال اولہجق درجہده برمناستر علمی کچیرہ رک اہالی محلیہ نک نظر توجہنی قرائمق وسائر مذهب میسیونرلری تشبثاتی ابطال ایدہ چک درجہده علینہ اوغراشمق وظیفہ لرلہ موظف اولمیرنی توصیه ایدر . بونک اوزرینہ درسعات روس سفیرینک تحت نظارتندہ تشکل ایدن قومیسون بر پروگرام ترتیب ایدہ رک حکمنہ قرار واجراسنہده مومی ایله آرخانداریت اورپہنسکی تعیین اولنور . ہر نہ قدر مومی الہک تشبثاتہ روملر طرفندن ممانعت اولنمق ، برسد عظیم چکلمک خصوصندہ عظیم بر حرکت کورولوروبرطاقم مجادلہ نک وقوعہ سببیت ویریلیرسہده بوجادلہ ایچروسندہ روسلر تدریجاً امللرینہ واصل اولمقدہ ایکن ظہور ایدن قریم محاربہ سی کشفیاتلرینک قسماً تعطیلنہ باعث اولمش ایدی .

۱۸۵۸ دہ ایسقبوس « کیریلوس ناوموو » یازدینی برمکتوبندہ : « اسکندریہ آنتاکیہ و قدس بطریقلری روملر آلتدن آلتہرق روس یدینہ تودیننی تسہیل ایچون اولا بلغارلری حمایہ ایدہ رک جہت مالیہ جہ روسلرہ متبوع بر حالہ افرانغ ، ثانیاً شمدی یہ قدر روم کلیسارینہ ایدیلان معاونتہ مالیہ عرض انقیادلرینہ قدر بر مدت موقتہ قطع ، ومصر ایله قدس اہالیسنہ نسبتاً آنتاکیہ وجواری اہالیسی حرکتمزہ پک مساعد بر حالہ بولندقلرندن ایشہ اولا اورادن مباشرت اولنسنی » توصیه ایدر و حریفاً اجرا اولنہرق پک چوق موقتیلرہ نائل اولورلر .

۱۸۸۲ سنہ سنندہ « روس ایمپراطورلنی قدس جمعیتی » نامیلہ ، موجود تکمیل دیندار اورتودوقسلری حمایہ ایتک لفظ ظاہریسیلہ مستتر ، حقیقتدہ ایسہ سوریه و قدسندہ موجود روم کلیسارلری محوایلہ یرلرینہ روس کلیساسنک اقامہ سی وبوسایہده اولا مجلس اہالی خرسٹیانہ بی قرائمق ، بعدہ ایش کالہ ایردکدہ سہولتہ مملکتی اللہ ایتک فکر فاسدانہ سیلہ روس مجلس روحانی حامیسی بوبیہ دونوسجف طرفندن بر جمعیت تشکیل اولنور . اعضالری میانندہ ایمپراطور و ایمپراطوریلرہ وجملہ منسوبین خاندان ایمپراطوری ایله سر آمدان روحانیہ وجسمانیہ بولندینی کبی وکلا ومأمورین حکومتدن قسم اعظمی دہ بولنیوردی . بوندنمعدا قدس حقندہ تألیفاتدہ ونشریاندہ بولنان صاحب اشراف

اوروپای عثمانیدن برقسمنک ضبطنہ ممانعت ایتماکی . روسلر و روس کلیسائی کندیلرینی مرکز اعتبار ایدہ رک برلشمش و حال اعتزالدہ بولنمش اولان روم کلیسارلری مقام استناددہ اطرافنہ طوپلایہرق اندراوزرندہ عمومیتلہ مذہبی بر حکمدارلق ایچون شمدیدن احضار و او سایہده ممالک عدودہ دوست قزانہرق مقصد واملہ سہولتہ واصل اولنہ . « شووویتنامہ نک صحیح ویا غیر صحیح اولدینی بزم ایچون مساویدر . یالکز بر حقیقت واریسہ اودہ : شوصوک عصرلردہ روسلرک تعقیب ایتدیکی یولتیقہ بالادہ ذکر اولنان وصیتنامہ نک عینی صورتدہ اولدینی در . روسلر اسلاو جنسنک جهانگیر اولسنی وممالک عثمانیہ بی برجلہده ضبط ایتکی عصرلردنبری ذہلرینہ یرلشدیرمش اولدقلرندن وارض فلسطین حقندہ روس ایله عثمانیلر بینندہ تعاطی اولنان مقالہ نامہ ینہ پترونک زمان سلطنتہ (۱۷۱۹) مصادف بولندیقندن ہان وصیتنامہ مندرجاتک صحیح اولدیقنہ کسب قناعت ایتکدہ کندیمیزی حقلی کورہ چکز . بومقالہ نامہده : « ہر ایکی حکومت وملتہ منسوب افراد مملکتین داخلندہ استدکلیری محللردہ کمال امنیتلہ کشت وکذار ایدہ بیلورلر . روسلرہ ، ممالک عثمانیہده هیچ بر رسم و ویرکویہ تابع اولمقدلری حالہ ، ارض فلسطین ومقدسہ حج وزیارت مساعدہ سی ویرلیدیکی کبی ممالک عثمانیہده مقیم روس پاپازلری فرد واحد طرفندن تعجیز وتصدیع اولنہ جقلری » مندرجدر .

واقعا بو - ایلک ضربہ دینکہ سزا - مقالہ ابتداء پک معتدل کوریلورسہده ، ۱۳۵ سنہ صکرہ تکمیل روم اورتودوقس کلیساسنک محافظہ وحامی یکانہ سی حقنک حکومت سنیہ طرفندن قبول وتصدیقتی طلب ایتدیکی زمان ، اولانجہ شدت و آجیسنی بڑہ حس ایتدیرمش ایدی . « فریتس لورخ » ک « سوریه و قدسندہ روما واورتودوقس کلیسارلری » ناملی کتابندہ : عثمانلی وروس مناسبات قدیمندہ حلیدجہ مقیم روس سفیرلری باشلری بجاقلری آرہ سنہ صوقولہ جقلرینی بیلدکلیری ایچون عثمانلی ارزولرینک ہر برینی برر معجزہ دیہ تعلق ایتدکلیری حالہ ، ایکنجی قاترینا زمانندنبری موسوقولرک صورت قطعیدہ جدی مداخلہ لرلہ باب عالیدہ کورونوشلری عثمانلی دیپلوماتلرینک حدتندن تیریل تیریل تترہ مہلرینی باعث اولوردی . دیور . اون طقوزنجی عصرده « ۱۸۰۸ - ۱۸۲۷ » اوزمانکی بطریق بولیقارپ ، آرخپانداریت « آرسن » ی کلیسارہ بارہ تدارک ایتک اوزرہ روسیہ کوندرر ، مومی ایلہ ۱۸۱۹ سنہ سنندہ جار برنجی علیکساندرس روس ہاجیلرینک ارض فلسطیندہ امراعاشہ واسکانلرینک تأمین ایچون اورادہ برمناسترہ اشد لزوم اولدینی سویلیہ رک تشویق واوزمانکی بیروت روس قونسولوسی قسطنطنین ایلہ روس مجلس کبیر روحانی رئیس قونت پروتاسود دخی تشویقات مذکورہ بی حمایہ ایدرلر . بونک اوزرینہ اوزمانہ قدر روسیہ دن دوکیلوب کلن وروم کلیسائی طرفندن سوء استعمالہ دوچار اولان مبلغی قونتزل ایتک ، بونککے برابر ارض فلسطیندہ روسلرک مؤسسات خیریہ باشلامہلری اورتودوقس جمعیت

قلمدن ویا جمعیه ۵۰۰۰۰ التون روبله تبرکاً اعطا ایدن اعضانك عددی ۱۸۹۸ سنه سنده ۴۰۰۰ ی تجاوز ایتش ایدی . ۱۸۹۳ تاریخنده ولایاتده دخی شعبه لر تأسیس اولنه رق ۱۹۰۱ سنه سنده بونلرک عددی ده الی ی تجاوز ایتش ایدی .

جمعیت مذکورده نك موظف اعضا لرئ سنوی ۲۵ دیکرلری ایسه اون روبله ورمکه مجبور اولدقلری کبی موظف اعضا لردن هرکیم یکدن ۵۰۰ و دیکرلری ۲۰۰ روبله تأدییه ایتدکلی حالده سنوی حصه معینه دن معاف طوتیلورلر . جمعیتک کنديسنه مخصوص برابندره سی اولدینی کبی جمعیه اولان خدمات حسنه نك درجه سنه کوره طونج کوش والتوندن مدالیله دخی توزیع اولتور . جمعیتک واردات سنویه سنك مهمنی اعضا لردن ورود ایدن حصه معینه تشکیل ایدر ؛ ثانیاً تبرکات نقدیه وهدیه لر ، ثالثاً بیوک پرهیزک صولک بازارنده کلیسارده طویلا نیلان اعانه ، رابعاً دخی کلیسار ملحقانندن جمع اولسان اعانه تشکیل ایدرکه اون سنه ظرفده جمع و صرف اولتان مبلغك جدولی بوجه آتیدر :

۱۸۹۳	ده	۶۱۴۸۲۱	روبله	۱۸۹۸	»	۸۳۲۹۵۲	»
۱۸۹۴	»	۶۸۰۹۲۷	»	۱۸۹۹	»	۹۹۵۸۳۰	»
۱۸۹۵	»	۸۵۸۵۶۹	»	۱۹۰۱	»	۴۱۹۰۴۰	»
۱۸۹۶	»	۸۵۵۹۹۵	»	۱۹۰۴	»	۵۹۰۱۵۶	»
۱۸۹۷	»	۹۱۴۲۰۲	»	۱۹۰۵	»	۳۱۸۳۷۷	»

جمعاً بکون ، ۱۰ سنه ده : ۷,۰۸۰,۸۶۹ روبلدر .

واقعا جمعیت پروگرامنك مقصد اصلیسی افشا اولمئورسده ده جمعیت مذکورده روس مجلس روحانیسندن ماعدا خارجیه نظارتنه مربوط بولمئسی بالاده عرض ایلدیکم وجهله نه فکره مبنی تشککل ایتدیکنی کال وضوحله بزه ارئه ایلور . هر قدر روسلرک بوتشکیلاتی روملر طرفندن اولا دوستانه ظن و قیاس ایدیلرک پک آقیشلرله قبول اولندیسده ، بعده چهره حقیقتی کوردکلرندن بینلرنده شدیداً مال تحریری منازعه لرك حدوشنه ، دهاصو کرا یومروق غوغالرینه سبب اولدی . بوکا مقابل روسلر اوزمانه کلنجهیه قدر اورتودوقس کلیسالیینه مادی معاونتلیخی قطع ایله اشبو منازعهیه ختام ویرمشلر و روم کلیسالیخی کنديلرینه قوزو کبی مطیع ایلشلردی .

سوریه ولایتده موجود عرب جماعت خرسیتانیه لری اوزمانه قدر روم کلیساسنه مطیع بولتورلرکن ، روسلر : « روم پاپاسلری الک بیوک کلیسا مرتبه لرینه صعود ایتدکلی حالده ، سوریه ده موجود بوقدر یرلی پاپازلرک بولمسنه رغماً ، بومرتبه لره صعود ایدمه یوب مادون درجه ده قالملی جای تفکر واشتباهدر » دیهرک بر طرفدن اهالی محلیه یی تشویق ، دیکر طرفدن مرتبه عالیده بولتان روم کلیساسی منسوبینه بر معاونت نقدیه لفظیه رشوت ویررلر ؛ بوندنمعا تعقیب ایتدکلی هدفه بر آن اول واصل اولمق مقصدیه سوریه وقصدده موجود روم پسقلرندپوسن کنديلرینه یار و دوستلق ایدنلره خدمتلی درجه سنه

مقابل سنوی ۳۰۰۰ الی ۴۰۰۰ روبله تخصیصات اعطا ایدرلر ایدی . روسلرک بو تشبثاتنه روس قونسولوسلری نك دخی فعالیت جدیه لری انضمام ایدرک ولایت عثمانیه ک هر طرفنه سیاحتلر ایدرک بیوک رسمی اونیفورمه لریله کلیسالر کیدوب روس ایمپراطوری نامنه آیین اجرا ایتدیرملری ، ایراد ایتدکلی نطقلرده انجق حایه ایمپراطوری ایله شرق کلیساسنك ابقاسی تأمین اولمش اولدیغندن ایمپراطور حضرتلری نك سوریه لیره اولان فرط محبتنه بر دلیل اولمق اوزره یاغور کبی یاغدریلان هدیه لری توزیع ویکدیگرلریله بالاتحاد سائر مذهب لرك تشبثاتنه معذانه برحرکتده بولملریخی توصیه ایدرک اهالی نك حسن توجهی روس لهنه قزانمهلری ایله روم کلیساسندن یوزجو برمه لرینه سبب اولشلردی .

جمعیت مذکورده بوکاده قناعت ایتیه رک فرانسلرک شرق خرسیتانیلری اوزرنده کی حق حمایه سنی ید غصبنه آلمق ایچون فرانسلرک بالکزروما قتولکلری محافظی اولمقله انجق انلرک مملکتده ترقیسی ارزو وحمایه ایتدکلرندن محوینه رمق قالان شرق کلیساسنك بقاسی ارزو ایدنلر روما قتولکلری نك تشبثاتی علیهنه وار قوتلریله چالشمیلریخی وفکرلریخی بریره جمع ایدرک عاقلانه حرکتی وکوزلریخی ارض مقدسه عطف ایله ماضیده نصل ایسه استقبالده دخی شواراضی مقدسه نك حامی مخلصی روسلر سایه سنده متدین صاحب مذهب کیمسه لرك النده قالمسنه چالشمیلدر ... مآلنده نشریاتده دخی بولتورلردی .

۱۹۰۶ سنه سنده روسیه ولایتلرنده جمعیت طرفندن ارض فلسطین اوزرینه ۲۰,۰۰۰ نطق ایراد و ۱۱۶۱۰ دفعه متفرق نشریاتده بولتور . « ارض مقدسدن بر چوبان سسی » نامیه ۲۰۰,۰۰۰ کتاب توزیع اولتور . ایشه بوکبی نشریات وتشبثات ارض فلسطینه اولان سیاحتی ک عددینی سنه بسنه چوغالتندی ، حتی ۱۹۰۶ سنه سنده ۱۰,۰۰۰ بالغ اولمش ایدی .

بوندن ماعدا جمعیت ارض فلسطینده مکتبلر ایچون خارق العاده فعالیتلرده بولمشدر . روسلر ایلك دفعه اوله رق ۱۸۸۲ سوریه ده بر مکتب کشاد ایله تدریسه باشلار . ۱۹۰۸ تاریخنده یعنی یکرمی الی سنه صکره عددینی ۱۰۱ . ابلاغ ومصارفات سنویه سنه ۱,۲۰۰,۰۰۰ روبله صرفیه (۱۰,۰۰۰) . قریب طلبه تدریس اولتور .

یوقاریده دخی عرض ایلدیکم اوزره بومداوم طلبه لری بومکتبلره جمعدن مقصد محضا انسانیته بر خدمت ایتک اولمدينی قولایجه کلاشیلور . زیرا کندی مملکتلرنده کی اوقوبوب یازمه بیلمیانلرک عددی مملکت مزده موجود امیلرک عددندن دون اولمديغندن اولا کندی مملکتلرنده یایدیرلمسی لازمکلان مکتبلرک مملکت مزداخلنده کشارلری انجق صاف اولان مملکت مز اهالیسی روسلاشدیرمقدن بشقه برشی دکلد . اشبو مکتبلرک داخلی نظامنامه لرینه برعطف نظر اولنه جق اولورسه ایلك ماده سنی : « طالبین مداومین غایتله معتقدانه تربیه وتحصیل کوردیکی کبی اعتقاد صحیحیه « روس کلیساسنه »

واسع بر حرمت مخصوصه ایدند کد انصکره باشهادتنامه خروج ایدن طلبه لر سوریه ده موجود دیگر روس مکتب لرینه معلملکه تعیین اولنه جقلردر « تشکیل ایتدیکنی کوریرز . بومعلملره تاریخ تعیینلرندن اعتباراً اولاً ۶۰ فرانق ماهیه بر تخصیصات ویریلیر؛ درت، بش سینه صکره ۱۰۰ فرانقه ابلاغ اولنورکه سوریه کبی بر محله بومباغ خاطری صایلور بر پاره در .

روس لر سنلردنبری اوغراشه رق ایرانده اک قدیم نستوریان کلیسائی تحکمنه آله رق نهایت ایرانی نصل بو حاله کتورمه که سبب اولدیه اون طقوزنجی عصرک اواخرنندن به آایله اناطولینک ارمنیلر ایله مسکون محللر نده اجرا ایلدیکی پروپاگاندا لردنه، که سائر مذهب مسیونرلری طرفندن بو درجه بر پروپاگاندا یا بلما مشدر، عینی سیاستی تعقیب ایتدیله . بوده بک آز کورینه رک ایلمک ارمنی حادثه سنده روس حمایه سنه التجا ایدن ارمنیلری هیچ بروجدانک قبول ایتیه جکی برلسانله : « روس کلیسائیه منسوب اولمادیغکز حالده سزلی قبول ایتمکه معذورز » دیهرک بوجالارندن استفاده یه قالدیلر و ۵۰۰۰۰ ی متجاوز ارمنی ده ناچار تبدیل مذهب ایتمکه مجبور قالدیلر . بعده روسیه ده موجود ارمنی کلیسالرینک کندی ماللری اولان بتون اموال منقوله و غیر منقوله ۱۹۰۳ تاریخنده ایمپراطور نامنه ضبط اولندی . شمیدیکی بولتیقه سی ده شرقیه موجود غرب کلیسالر نده نما عدا سنی کندی تحت تحکمنه آلوب انتریکه سنی کوزلجه چویره بیامکدن بشقه بر شی دکلدر .

۱۹۰۲ سنه سنده لبنان امتیازلی ولایتیه روس طرفنداری بروالینک انتخابی ایچون دولتر بیننده بیوک بر تشبده بولندی . هر نقدر روسلر کندی آرزولری علینیه تجهیزات و احضارات حربیه ده بولمده دن ژابونلرله حرب ایتدی و مغلوبیتیه نتیجه لندی ایسه ده الآن اسلاو و بیزانتین ایمپراطورانی خلیاسندن واز کچمیه رک قطعی برضربه اورمقی ایچون احضاراتده بولتیورلر . دوغریدن دوغری یه دارالحلافیه هجوم ایتک بک ایشنه الویرمدیکندن قفقاس و سوریه جهتلرندن کیره رک اناطولی نی ارقه سنندن قاورامق ایستیور . عثمانیلری یکدن تحت تحکمنه آله میه جغنی عقلی کسیدیکندن ترکار ایله سوریه لیلر بیننه بر عداوت قما سی صوقه رق لزومی تقدیرنده خرسیتیان مذهبه منسوب سوریه لیلری کندی باندره سی التیه چکمک ایستیور . روسلرک کشف قوللری سوریه نک تاجنوب جهتلرینه قدر صوقلدی . اوروپا دولتلریده همان کوزلرینی قیریمه دن بونی نظرلریله غایت مدققانه تعقیب ایدیورلر . بزده باقی قالان برشی وار ایسه اوده شو سطرلری او قودقدنصکره هیچ اولمز ایسه کوزیمیزی بوندنصکره آچقلق زحمتی اختیار ایتمکدر . یوقاریدنبری یازمقده اولدیغم شو سطرلردن یکانه مقصدم، اوروپا دولتلرینک حمایه مذهب خرسیتیانیه نامی تحتنده وطن مقدسمزه ناصل نفوذ وحلول ایتدک لرینی، خرسیتیان وطنداش لریمز بیتنده نصل تخم فساد ا کدک لرینی، بونکله ده داخل وطنده نه کبی منازعه و مداخله لره سببیت ویرلیدیکنی، وطنمزه دخول ایله داخلی ایشلریمزه مداخله

ایده بیلمک ایچون نه کبی فدا کارلقلرده بولندقلرینی عاجزانه وطندا . شلریمه ارانه ایله اولنرک بوفدا کارلقلرینی کندیمزه برر نمونه امتثال عد ایدوب بزده دخی بوکبی تشبثات فدا کاریده بولنه رق اولاد داخل مملکتده مکتبلرک و دارالحسانک تکشیریه خارجی مداخله لره بر نهایت ویرمک، بعده انلرک مملکتیمز داخلنده کی طلبلرینه مقابل، تحت اسارتلرنده بولنان بونجه ملیونلرجه مسلمانلرک تأمین حقوقلری ایچون بزده مطالباتده بولنه رق، اطماننه اوغراشدقلری نوراسلامیت شمعنه سینه یکیدن غذا ویره رک، ملل خرسیتیانیه نک تشبثاتنه برسد عظیم چکمک ایچون بر تشویقندن عبارتدر .

یوقاریده دخی کورلیدیکی اوزره بوکبی ایشلرده شهیندرلرک فوق العاده یرارقلری طوقوندیغندن انلرک تعیین و تخصیص لرنده محل مأموریتلرینک حال و موقعلرینه مناسب و آشنا کیمسه لرک تعییننه اعتنا، حتی فخری شهیندرلرک دخی وطن و مات عثمانیه نک احوال داخلیه . سنه کرکی کبی معلوماتی ولسان رسمی ترکی یه آشنا اولملری الزمدر . فخری شهیندرلریمزک اکثریسی بومزایانی محتوی اولمدقلری کبی، بعض عثمانلی شهیندرلکی سائر حکومتلرک شهیندرلرینه مثلاً بر ایتالیان شهیندرینه احاله اولمش، حتی عثمانلی لساننه آشنا اولمادیگی کبی وطن و مات عثمانی یه دخی وقوفی اولمادیغندن خدمتندن واز کچلم، مضرتی دو قونیمیه جغنده بزی کیم تأمین ایدر؟ هر بر ایشی حکومتیه عطف ایتیموب، ملتده حکومتیه بر استناد اوله رق ال برلکیله وطن ایچون فدا کارلقلده بولنیه جق اولور ایسه او وقت وطن، وطنه برابر بزده تعالی ایدرز . استوتغارتده اناطولی حصارلی

محمد خیرالدین

مکتب انبیا

هندستانه خابر مختصر صمزدنه :

هند یولنده

V

حاب احوال عمومیه سی

حاب ولایتک احوال اجتماعیه سی ممالک عثمانیه نک سائر شهرلرینه هیچده بکره من . بوراسی درت یول آغزی بولندیغندن هر نوع یولچیلرک محل عبور و مروریدر . اناطولینک، عربستانک، بادیه نک هر طرفندن بورایه همان هر کون یکی یکی آدملر کلیر و برآز صکره کری کیدرلر . حلبده اک زیاده منتشر اولان لسان عربی اولغله برابر سوریه و بیروته نسبه ترکیه بیلنلرک عددی پک چوقدر . اصنفه مهام آکلاقمی ترکیه بیلنلر ایچون قولاید . هله بغداد شمدوفری ختام بولقدن صکره حلب جدایکی و مهم بردوره ترقی و تکمله کیره جکدر . حلبده کی قیافتلرله البسه لر ایسه پک زیاده جالب نظر دقتدر . انتاریلی، عبالی، کوفیه و عقالی، کیجه لکلی، خرقلی،